



Ukuphepha ku-inthanethi

Patricia Ndlovu

Sibusiso Khumalo





I-inthanethi ikuvulela ithuba lokufunda, ukuthenga, ukudlala imidlalo futhi uphinde ukhulume nabangane bakho njengokwejwayelekile.

Ngokunjalo, i-inthanethi ingaphinde ibe nobungozi ezinganeni.


Imbangela yalokhu ukuthi kukhona abantu abangalungile abasebenzisa i-inthanethi ngezizathu ezingezinhle.



Nazi izinhlobo zabantu abangalungile abanokusebenzisa i-inthanethi:

- Abantu abangamasela abanokuntshontsha imininingwane yakho.
- Iziquhwaga ezisebenzisa i-inthanethi ukukhlukumeza, ukukuphoxa noma ukukwehlisa isithunzi.
- Yilabo abayisebenzisa ukukuyenga ngenhloso yokukunukubeza ngokocansi.

Uzofunda kabanzi ngalokhu emakhasini alandelayo.



Ukuze uphephe ungalandelwa yilaba abantshontsha imininingwane yabanye abantu, kufanele ungalokothi utshele noma yimuphi umuntu ohlangana naye ku-inthanethi lokhu:

- Igama lakho langempela.
- Inombolo yakho yocingo.
- Ikheli lalapho uhlala khona.
- Imininingwane ephathelene nomndeni wakho.
- Isikole ofunda kuso.


Lolu lwazi lwenza kube lula ukuthi laba bantu abantshontsha imininingwane yabanye bazenze wena ku-inthanethi.



Isiqhwaga se-inthanethi yilowo owenza lokhu:

- Wabelana nabanye ngemininingwane yakho, afake ku-inthanethi izinto ezimbi ngawe.
- Ukhombisa ukuthi akakuthandi.
- Sitholakala ezinkundleni zokuxhumana, emagumbini okubanjelwa kuwo izingxoxo, emagumbini emidlalo, nakuma-imeyili.

Bikela umuntu omethembayo omdala uma kukhona isiqhwaga esikulandelayo empilweni yakho noma ku-inthanethi.



Abayengi abakuyengela ukukunukubeza ngokocansi ku-inthanethi kuvame ukuba ngabantu abadala. Bangazama ukwenza lokhu:

- Bathola yonke imininingwane ngawe
- Bakha ubudlelwano obenza ubethembe
- Babukeka bethembekile, belungile futhi bezokunakekela
- Bacela ubanike isithombe sakho
- Bakuyenga ukuthi wenze izinto ezinobungozi kuwe

Qaphela wonke umuntu ohlangana naye ku-inthanethi.



Akubona abantu ababi kuphela esinokubathola ku-inthanethi, kodwa kukhona nolvazi olungelona iqiniso futhi olunobungozi.

Ungakholwa yikho konke okufunda ku-inthanethi njengeqiniso.


Ungacela umuntu ongumzali noma uthisha akusize ukuhlola ukuthi ulwazi oluthola ku-inthanethi luyiqiniso noma aluyilona iqiniso.



Nazi zinto okufanele uziqikelele uma usebenza ku-inthanethi:

- Ziphathe ngokuyikho
- Hlonipha ngaso sonke isikhathi
- Hlala uqaphele

Uyohlala uphephile ku-inthanethi uma wenza konke lokhu.



Lonke ulwazi olufakwa ku-inthanethi kanjalo nezithombe, kungumthwalo wakho ngokugcwele.

Kufanele ucabangise uma ufuna ukufaka ulwazi, izithombe zakho noma umndeni wakho ku-inthanethi.


Lokhu kungasetshenziswa ukucekela phansi noma ukwehlisa isithunzi somndeni wakho.

I-inthanethi ayikhohlwa noma yini oke wayithumela kuyo, ngisho noma usukucishile lokho.



Kumele uzihloniphe, futhi uhloniphe nabanye abasebenzisi be-inthanethi: ngalokho okushoyo, okuthumelayo kanye nalokho okwenzayo.

Ungesabi ukwazisa abazali bakho nganoma yini eyenzeka kuyi-inthanethi noma ngalowo ohlangane naye ku-inthanethi.



Hlala uqaphile uma usebenza ku-inthanethi. Akubona bonke abantu abazenza abangane bakho ku-inthanethi abangabangane abahle.

Sebenzisa lonke ulwazi oluthole kule ncwadi ukuze lukuholele ekutheni uhlale uphephile ku-inthanethi.

—Imibuzo

1. Bala izinto ezimbili onokuzenza ku-inthanethi.
2. Bala izinhlobo ezintathu zabantu abenza izinto ezimbi ku-inthanethi.
3. Kungani kubalulekile ukucela umuntu omdala akusize lapho usebenzisa i-inthanethi?
4. Bhala izinto ezimbili okungafanele wabelane ngazo nabanye ku-inthanethi.
5. Yini okufanele uyenze uma uzizwa ungaphephile ku-inthanethi?
6. Chaza noma yiziphi izinhlobo ezimbili zolwazi olutholakala ku-inthanethi ezingase zibe yingozi kuwe.
7. Akuyena wonke umuntu obonakala engumngani wakho, ongumngani wakho! Kusho ukuthini lokhu?
8. Uhlola kanjani ukuthi imininingwane oyifunda ku-inthanethi iyiqiniso na?

Le ncwadi ingenye yezincwadi ezine eziwuchungechunge ezabhalwa ngenhloso yokweseka ukufunda ngobuchwepheshe bekhompyutha.

Iyingxenye yezinsiza zokufunda zeprojekthi ye-Zenex Ulwazi Lwethu ezabhalwa ngonyaka wezi-2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education
Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Ukuphepha ku-inthanethi

Author/s: Patricia Ndlovu

Illustrator/s: Sibusiso Khumalo

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

